



Broj: 12-23-10990/22

Datum: _____

NACRT

Ministarstvo za prostorno uređenje, promet i komunikacije i zaštitu okoline, rješavajući po zahtjevu investitora "Neimax" d.o.o. Visoko, u postupku obnove rješenja o okolinskoj dozvoli, a na osnovu člana 83. i 89. Zakona o zaštiti okoliša („Službene novine Federacije BiH”, broj: 15/21), člana 4. stav (2) Uredbe kojom se utvrđuju pogoni i postrojenja koja moraju imati okolinsku dozvolu („Službene novine Federacije BiH” broj: 51/21 i 74/22) i člana 200. Zakona o upravnom postupku („Službene novine Federacije BiH”, broj: 2/98, 48/99 i 61/22), **d o n o s i :**

RJEŠENJE

1. Daje se **OKOLINSKA DOZVOLA Društvu za unutrašnju i vanjsku trgovinu, proizvodnju, transport i usluge "NEIMAX" d.o.o. Visoko** za proizvodni objekat – tvornica valovitog kartona i kartonske ambalaže kapaciteta 38 t/dan, koji je nalazi na lokalitetu Čekrčiči, na zemljištu označenom kao k.č. broj: 30/1, 31/1, 32/1 i 34/1 K.O. Čekrčiči, grad Visoko.
2. Okolinska dozvola se izdaje za objekat za proizvodnju valovitog kartona i kartonske ambalaže koji sačinjavaju sljedeći sadržaji:
 - Poslovno-proizvodni objekat u sklopu kojeg se nalazi:
 - Proizvodni prostor u kojem se nalazi linija za proizvodnju valovitog papira;
 - Kontrolna soba za praćenje procesa proizvodnje;
 - Skladište repromaterijala;
 - Kotlovnica;
 - Upravljački prostor;
 - Sanitarije;
 - Trafostanica;
 - Biološki prečistač otpadnih voda (primarni i sekundarni)
 - Separator ulja i masti
 - Upojni bunar
 - Manipulativne površine unutar kruga kompleksa sa prilaznim putem

3. Tehnološki proces proizvodnje valovitog kartona

- Sirovine za proizvodnju valovitog kartona

Valoviti karton je grafički proizvod čiji kvalitet zavisi od kvaliteta sirovina od kojih se proizvodi i o stroju na kojem se proizvodi. Valoviti karton je tvrdi ambalažni materijal koji se sastoji od najmanje jednog valovitog i jednog ravnog papirnog sloja slijepljenih u jednu cjelinu. Valoviti karton se koristi za izradu mnogih proizvoda, a najviše za izradu kutija kao što su transportne kutije i kutije za skladištenje. Za proizvodnju valovitog kartona osnovne sirovine koje se koriste su papir i ljepilo uz korištenje pare kao energenta. Kako bi se dobio zadovoljavajući proizvod obje sirovine moraju ispunjavati visoke kvalitativne zahtjeve i tačno određene parametre za proizvodnju. Osim papira i ljepila u proizvodnji se koriste boje za ispisivanje na ambalaži, trake i streč folije za pakovanje gotovih proizvoda.

- Proizvodnja valovitog kartona

Proizvodni proces započinje tako što se prije uključivanja tehnološke linije za proizvodnju valovitog kartona upali kotao čime se postižu radni parametri. Kotao mora postepeno dostići ciljanu temperaturu i pritisak. Zatim se pripremi ljepilo u kuhinji. Takođe se pripremi dovoljna količina komprimiranog zraka. Nakon što se izvrši priprema pare ljepila i komprimiranog zraka kreće se u uključivanje linije. Proizvodni proces valovitog kartona teče na sljedeći način:

- Ubacivanje traženog papira

- Papiri se spajaju u jedinicu za pravljenje vala i to jedan ravni i jedan valoviti sloj. Ukoliko se želi troslojni karton koristi se jedna jedinica, a ako se želi petoslojni onda dvije jedinice za pravljenje vala.
- Nakon sastavljanja ravnog i valovitog sloja, tako sastavljen val putuje do „pegle“ u kojoj se spajaju svi traženi slojevi u jedan koji se zove karton.
- Nakon što papiri prođu kroz „peglu“ i zalijepe se idu na uzdužno sječenje po dimenzijama, pa poprečno sječenje po dimenzijama, uz izdvajanje otpada.
- Nakon toga karton se slaže u pelete pomoću izlagača i veže PP trakama.
- Gotov proizvod ide dalje u proizvodnju kartonske ambalaže (kutija) ili u skladište gotovih proizvoda gdje se skladišti do otpreme kupcu.

Proizvodni proces proizvodnje kartonske ambalaže (kutija) se sastoji iz sljedećih operacija:

- Osnovna sirovina valoviti karton se ubacuje u ulagač linije za preradu valovitog kartona.
- Nakon toga slijede faze štampanja, sječenja, bigovanja te slaganja na palete
- Ukoliko proizvod treba da ide na daljnu fazu obrade-ljepljenje, onda se takva paleta transportuje do mašine za ljepljenje kartonskih kutija, te se iste ponovo ulažu, savijaju, lijepe, broje i slažu na palete.
- Gotov proizvod se slaže na palete, te se skladišti u skladištu gotovih proizvoda.

4. **“NEIMAX” d.o.o. Visoko** je dužan da tokom rada i prestanka rada proizvodno-poslovno-skladišnog objekta za proizvodnju valovitog kartona i kartonske ambalaže ispuni opće obaveze zaštite okoline tako da:

- ne ugrožava niti ometa zdravlje ljudi i ne predstavlja nesnosnu/pretjeranu smetnju za ljude ili za okolinu zbog emisija supstanci, buke, mirisa, vibracija, toplote, saobraćaja ili od postrojenja;
- poduzme sve odgovarajuće preventivne mjere tako da se spriječi zagađenje i da se ne prouzrokuje značajnije zagađenje;
- izbjegava produkciju otpada; a ukoliko dolazi do stvaranja otpada da se količina svede na najmanju moguću mjeru ili izvrši reciklaža a ukoliko to nije tehnički ili ekonomski izvodljivo otpad se odlaže a da se pri tome izbjegne ili smanji bilo kakav negativan utjecaj na okoliš;
- efikasno koristi energetske i prirodne resurse;
- poduzme neophodne mjere za sprečavanje nesreća i ograničavanje njihovih posljedica;
- poduzme neophodne mjere nakon prestanka rada pogona da bi se izbjegao bilo kakav rizik od zagađenja i da bi se lokacija na kojoj se postrojenje nalazi vratila u zadovoljavajuće stanje. Zadovoljavajuće stanje znači da su ispunjeni svi standardi kvaliteta okoliša koji su relevantni za lokaciju naročito oni koji se tiču zaštite zemljišta i vode.

5. **Društvo za unutrašnju i vanjsku trgovinu, proizvodnju, transport i usluge “NEIMAX” d.o.o. Visoko** je dužno da tokom rada i prestanka rada proizvodno-poslovno-skladišnog objekta za proizvodnju valovitog kartona i kartonske ambalaže koji se nalaz na lokalitetu naselja Čekrekčije, grad Visoko a u cilju što većeg smanjenja emisija i negativnog uticaja na okoliš realizuje slijedeće mjere i aktivnosti:

- Od strane odgovornog lica redovno vršiti poslove zaštite okoliša, a naročito:
 - Pratiti i kontrolisati provođenje propisanih uslova iz okolinske dozvole;
 - Izraditi godišnji monitoring plan i organizovati vršenje monitoring programa;
 - Pratiti i kontrolisati provođenje Plana upravljanja otpadom;
 - Slati nadležnim institucijama izvještaje o rezultatima izvršenog monitoringa.

Rok za izvršenje: stalna obaveza u skladu sa važećim propisima.

- Sve otpadne vode sakupljati i odvoditi razdvojenim kanalizacijskim sistemima do definisanog uređaja za tretman i prečišćavanje otpadnih voda. Kanalizacijski sistem treba biti izveden kao

razdvojen sistem za:

- Tehnološke otpadne vode sa radnih površina, pranjem boksova i servisiranjem opreme i oborinske onečišćene vode sa saobraćajnih i manipulativnih površina,
- Sanitarne-fekalne otpadne vode iz sanitarnih čvorova,
- Oborinske krovne vode.

Rok za izvršenje: stalna obaveza.

- Tehnološke otpadne vode koje nastaju pranjem manipulativnih, saobraćajnih i radnih površina, koje mogu biti onečišćene naftnim derivatima i opterećene suspendovanim materijama, prije ispusta u krajnji recipijent, odvoditi u separator ulja i masti.

Rok za izvršenje: stalna obaveza.

- Separator treba da bude tipski izrađen prema europskom normativu EN 858, sa promjenjivim uloškom, kapaciteta određenog prema pripadajućoj slivnoj površini i predpostavljenim oborinama od 250 l/s/ha.

Rok za izvršenje: prije početka rada predmetnog kompleksa u skladu sa izdatim dozvolama i saglasnostima (urbanistička saglasnost, građevinska dozvola i upotrebna dozvola).

- Separator ulja i masti treba da bude tako dimenzioniran da obezbijedi prečišćavanje zauljenih voda najmanje do nivoa propisanih graničnih vrijednosti definisanih Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).

Rok za izvršenje: kontinuirano u skladu sa navedenim Uredbama.

- Redovno pratiti nepropusnost i nivo popunjenosti separatora ulja i masti. Putem ugovornog odnosa sa firmom ovlaštenom za ovu vrstu djelatnosti obezbijediti redovno uklanjanje istaloženog ulja i masti iz komora separatora i njegovo odvoženje na dalju preradu. Nakon pražnjenja nakupljenog taloga ulja i masti sve komore separatora očistiti i tek onda ponovno staviti u funkciju.

Rok za izvršenje: kontinuirano/po potrebi.

- Čišćenje i održavanje separatora ulja i masti te skladištenje i konačno zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru.

Rok za izvršenje: stalna obaveza.

- Korisnik predmetnog kompleksa „NEIMAX“ d.o.o. Visoko, treba tokom godine da obezbijedi uzorkovanja otpadnih voda iz okna za monitoring ugrađenog u separatoru ulja i masti, a sve u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).

Rok za izvršenje: kontinuirano.

- Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.

Rok za izvršenje: stalna obaveza.

- Obezbijediti redovno čišćenje i održavanje svih hidrotehničkih objekata (slivnika, šahtova, taložnika, separatora, biološkog uređaja za prečišćavanje itd.) s ciljem što većeg smanjenja zagađivanja vode, kao i njihovog optimalnog funkcionisanja.

Rok za izvršenje: stalna obaveza.

- Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.

Rok za izvršenje: kontinuirano.

- Obezbijediti implementaciju i poštivanje svih uvjeta i mjera definiranih u Rješenju o vodnoj dozvoli broj: UP-I/21-3-40-442-4/21 od 26.10.2021. godine izdatog od strane „Agencije za vodno područje rijeke Save“, Sarajevo.

Rok za izvršenje: stalna obaveza.

- Sanitarne-fekalne otpadne vode iz sanitarnog čvora odvoditi u biološki uređaj za prečišćavanje, čije će se pražnjenje vršiti putem ugovornog odnosa sa ovlaštenom institucijom.

Rok za izvršenje: kontinuirano.

- Sve otpadne vode sa predmetnog kompleksa se moraju podvrgnuti predtretmanu prije ispusta

u krajnji recipijent.

Rok za izvršenje: stalna obaveza.

- Repromaterijali koji se koriste u proizvodnji valovitog kartona moraju se skladištiti u odvojenom prostoru i uz uslove koje propisao proizvođač.

Rok za izvršenje: stalna obaveza.

- Na prostoru predmetnog kompleksa obezbijediti više namjenskih PVC posuda za razne vrste otpadnih materija.

Rok za izvršenje: kontinuirano.

- Na predmetnoj lokaciji moraju biti postavljeni lako uočljivi propisani znakovi zabrana i upozorenja.

Rok za izvršenje: prije početka rada predmetnog kompleksa - stalna obaveza.

- Redovno vršiti servisiranje i održavanje instalacija i postrojenja te čistiti i održavati radne i pomoćne prostorije.

Rok za izvršenje: kontinuirano.

- Redovno održavanje sredstava za rad i opreme, ventila, šahtova, radnog platoa sa pripadajućom opremom kao i transportnih sredstava.

Rok za izvršenje: kontinuirano.

- Redovno vršiti ispitivanje električnih instalacija, uređaja, gromobrana i statičkog elektriciteta.

Rok za izvršenje: stalna obaveza u skladu sa važećim propisima.

- U skladu sa važećim propisima vršiti ispitivanje protivpožarne opreme (vatrogasni aparati, hidranti), sredstava rada i postrojenja u cilju dobivanja upotrebne dozvole za sredstva rada.

Rok za izvršenje: stalna obaveza u skladu sa važećim propisima.

- Manipulativne površine kruga moraju biti betonirane ili asfaltirane, a ostale površine pod zelenilom.

Rok za izvršenje: stalna obaveza.

- Investitor je dužan osigurati da sva postrojenja i uređaji te lična zaštitna sredstva u upotrebi u svakom trenutku budu ispravna, odnosno dužan ih je isključiti iz upotrebe ako su na njima nastale promjene zbog kojih postoji opasnost po sigurnost i zdravlje radnika.

Rok za izvršenje: stalna obaveza.

- Voditi računa o eventualno zapaljivim materijama, izvorima vatre, plamena kao i drugim mogućnostima nastanka požara, u skladu sa posebnim propisima.

Rok za izvršenje: stalna obaveza.

- Spriječiti sve nekontrolirane operacije (spaljivanje otpadnog materijala i ambalaže itd.) koje bi mogle proizvesti štetne uticaje na zrak. Svi postupci i sve operacije pri kojima nastaju štetne emisije u zrak moraju biti strogo kontrolisani.

Rok za izvršenje: stalna obaveza.

- Redovno vršiti pregled kotlovnice i održavati optimalno sagorijevanje energenta u skladu sa karakteristikama kotla.

Rok za izvršenje: stalna obaveza.

- Kontrolisati rad kotla i čistiti dimnjak redovno.

Rok za izvršenje: stalna obaveza.

- Koristiti energent (mrki ugalj) sa što manjim sadržajem sumpora.

Rok za izvršenje: stalna obaveza.

- Vršiti kontrolu procesa sagorijevanja i kontrolu energenta, nivoa kiseonika, kako bi se smanjila emisija štetnih gasova u atmosferu.

Rok za izvršenje: stalna obaveza.

- U svrhu smanjenja negativnog uticaja na kvalitet zraka – smanjenja zagađenja čvrstim česticama, redovno održavati instalacije kotlovskih postrojenja i primjenjivati mjere regulisanja procesa sagorijevanja u kotlovskim postrojenjima

Rok za izvršenje: stalna obaveza.

- Održavati optimalni režim sagorijevanja u ložištu kotla.

Rok za izvršenje: stalna obaveza.

- Obezbjediti redovno servisiranje i tekuće održavanje postrojenja, uređaja i opreme na predmetnom kompleksu u cilju minimiziranja emisija u okoliš i negativnih uticaja na okoliš. Remonte postrojenja obavljati putem ovlaštenih firmi, a u skladu sa preporukama proizvođača i zakonskim propisima koji bliže regulišu ovu oblast.

Rok za izvršenje: stalna obaveza u skladu sa važećim propisima.

- Ukoliko radom predmetnog kompleksa dođe do šteta ma kakvog karaktera, vlasnik odnosno korisnik objekta je dužan uzroke nastalih šteta otkloniti, a nastale štete nadoknaditi.

Rok za izvršenje: u najkraćem roku od nastanka eventualne štete.

- U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.

Rok za izvršenje: u najkraćem roku od nastanka eventualne štete.

- Redovno vršiti obuku-edukaciju svih uposlenih radnika koji su angažovani u tehnološkom procesu, a naročito za rad sa zapaljivim i eksplozivnim materijama, izvorima opasnosti i njihove zaštite.

Rok za izvršenje: stalna obaveza.

- Redovno obučavati sve zaposlenike o mjerama sprečavanja i smanjenja emisija i negativnih uticaja na okoliš predmetnog poslovnog kompleksa u cilju postizanja najboljih i najprihvatljivijih uvjeta za okoliš. Svaki zaposlenik treba da razumije obaveze i prihvati odgovornost za zaštitu okoliša.

Rok za izvršenje: stalna obaveza.

- Primjena drugih tehničko-tehnoloških, ekonomskih i organizacionih mjera, koje su u funkciji zaštite okoliša.

Rok za izvršenje: stalna obaveza.

- Obezbjediti ispitivanje mikroklimatskih uslova.

Rok za izvršenje: kontinuirano.

- Propisno održavati i čistiti krug poslovnog kompleksa.

Rok za izvršenje: stalna obaveza.

- U slučaju prestanka rada predmetnog kompleksa potrebno je poduzeti sljedeće mjere i aktivnosti:

- Obezbjediti potpunu prodaju valovitog kartona i kartonske ambalaže i svi ostalih materijala koje su skladištene na predmetnoj lokaciji.
- Prijaviti prestanak obavljanja djelatnosti nadležnim institucijama.
- Pribaviti potrebne saglasnosti i rješenja za uklanjanje objekata i opreme od nadležnih organa.
- Ukloniti i predati sav opasni otpad ovlaštenim operaterima.
- Demontaža opreme, objekata i sadržaja na predmetnoj lokaciji.
- Ukloniti i predati sav neopasni i komunalni otpad ovlaštenim operaterima.
- Rekultivacija i vraćanje lokacije u prethodno stanje ili namjenu koju je propisao nadležni organ.

Rok za izvršenje: Nakon prestanka rada predmetnog kompleksa.

6. Granične vrijednosti zagađujućih materija

- U skladu sa Pravilnikom o graničnim vrijednostima emisija u zrak iz postrojenja za sagorijevanje („Službene novine Federacije BiH“, broj: 3/13 i 92/17) – energent čvrsto gorivo.

Zagađujuća materija	Granična visoka vrijednost mg/m ³
CO	1000
NO _x	400

Dimni broj	1
Krute čestice	150

- U skladu sa Pravilnikom o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka („Službene novine Federacije BiH“, broj: 1/12, 50/19 i 3/21).

Zagađujuća materija	Period uzorkovanja	Granična vrijednost $\mu\text{g}/\text{m}^3$	Tolerantna vrijednost $\mu\text{g}/\text{m}^3$
SO ₂	1 sat	350	500
SO ₂	24 sata	125	125
NO ₂	1 sat	200	225
NO ₂	24 sata	85	125
LC ₁₀	24 sata	50	75

- Granične vrijednosti štetnih materija za tehnološke otpadne vode prije ispusta u prijemnik u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).

Parametar	Mjerna jedinica	Površinske vode	Javna kanalizacija
temperatura	°C	30	40
pH		6,5-9,0	6,5-9,5
Ukupne suspendirane materije	(mg/l)	35	400
Taložive materije	(mg/l h)	0,5	10
BPK ₅	(mgO ₂ /l)	25	250
KPK-Cr	(mgO ₂ /l)	125	700
Teško hlapljive lipofilne tvari (ukupna ulja i masti)	(mg/l)	20	100
Amonijakni azot, NH ₄ -N	(mg/l)	10	40
Ukupni azot	(mg/l)	15	100
Ukupni fosfor, P	(mg/l)	2,0	5,0

Granične vrijednosti emisija za zagađujuće supstance zasnovane su na važećim propisima ili najboljim raspoloživim tehnikama po svakoj emisionoj tački.

7. Monitoring

Vršenje mjerenja zagađujućih materija i buke kao i učestalost mjerenja emisije u zrak i vodu, odnosno monitoring emisija i svih otpadnih tokova mora se vršiti u skladu sa važećim zakonskim propisima.

Na lokaciji poslovno–proizvodnog kompleksa za proizvodnju valovitog kartona i kartonske ambalaže “NEIMAX” d.o.o. Visoko izgrađen na lokaciji Čekrčići, grad Visoko - planiran je monitoring:

- Redovno nadzirati aktivnosti na minimizaciji nastajanja svih otpadnih tokova na lokaciji poslovnog kompleksa za proizvodnju valovitog kartona i kartonske ambalaže
- Voditi dnevnik u koji se upisuju podaci važni za rad predmetnog kompleksa.
- Pregled i praćenje količine mulja i masti u separatoru ulja i masti.
- Praćenje i održavanje ispravnosti svih hidrotehničkih objekata (slivnika, šahtova, taložnika, separatora, biološkog uređaja za prečišćavanje itd.).
- Monitoring emisija zagađujućih materija u zrak uskladiti sa odredbama Pravilnika o monitoringu

emisija zagađujućih materija u zrak („Službene novine Federacije BiH” broj: 09/14 i 97/17).

- Monitoring kvaliteta i kvantiteta otpadnih voda uskladiti i sprovoditi prema odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20 i 96/20) i u skladu sa uslovima propisanim vodnim aktom izdatim od strane nadležne institucije.

Prijedlog monitoring plana u skladu sa propisima i rokovima za preduzimanje predviđenih aktivnosti i mjera za poslovno–proizvodni kompleks za proizvodnju valovitog kartona i kartonske ambalaže “NEIMAX” d.o.o. Visoko izgrađen na lokaciji Čekrčiči, grad Visoko:

Parametar praćenja	Način praćenja	Mjesto praćenja	Dinamika praćenja	Odgovornost
Stanje sistema za zagrijavanje (kotlovnica sa opremom)	Pregled i ispitivanje	Kotlovnica	Kontinuirano	Nadležna služba društva
Emisija dimnih plinova	Pregled i ispitivanje	Dimni kanal	Jednom godišnje	Nadležna služba društva
Komunalni otpad	Praćenje količine i evidentiranje	Prostor gdje se drže posude za ovu vrstu otpada	Svakodnevno	Nadležna služba društva
Opasni otpad (ulje i masti, gorivo itd)	Vizuelno praćenje količine i evidentiranje	Prostor gdje se drže posude za ovu vrstu otpada	Svakodnevno	Nadležna služba društva
Čišćenje radnih, saobraćajnih i manipulativnih površina	Vizuelno praćenje	Predmetni kompleks	Svakodnevno	Nadležna služba društva
Stanje uređaja za odvođenje i prečišćavanje otpadnih voda	Pregled i čišćenje	Slivnici, rešetke, taložnik, biološki uređaj za prečišćavanje, separator, cjevovod	Kontinuirano	Nadležna služba društva
Kanalizaciona mreža	Pregled i čišćenje	Slivnici, rešetke, taložnik, biološki uređaj za prečišćavanje, separator, cjevovod	Jednom sedmično	Nadležna služba društva
Otpadna tehnološka voda	Fizikalno-kemijska analiza prečišćene tehnološke vode	Izlazna komora iz separatora u krajnji recipijent	U skladu sa uslovima propisanim vodnim aktom Agencije za vodno područje rijeke Save.	Nadležna služba društva
Pitka voda	Mjerenje potrošnje uz evidentiranje u ustrojenu evidenciju	Vodomjer	Mjesečno	Nadležna služba društva
Upotrebne dozvole sredstava rada i opreme	Pregled i ispitivanje	Radne i pomoćne prostorije	Najmanje jednom u tri godine	Nadležna služba društva
Elektroinstalacije	Pregled i ispitivanje	Radne i pomoćne prostorije i prostori	Jedan put u tri godine	Nadležna služba društva

Gromobran i uzemljenje	Pregled i ispitivanje	Objekti u poslovnom kompleksu	Jedan put u tri godine	Nadležna služba društva
Sredstva za gašenje požara (PP aparati i hidranti)	Pregled i ispitivanje	Poslovni krug	Najmanje jednom u šest mjeseci	Nadležna služba društva
Mulj u separatoru ulja i masti	Pregled i čišćenje	Separtor ulja i masti	Kontinuirano/ po potrebi	Nadležna služba društva

Po nalogu kontrolnih organa investitor **„NEIMAX” d.o.o. Visoko** je dužan za poslovno–proizvodni kompleks za proizvodnju valovitog kartona i kartonske ambalaže, koji izgrađen na lokaciji Čekrčići, grad Visoko provoditi i dodatna mjerenja.

Društvo „NEIMAX” d.o.o. Visoko je dužno da vodi evidenciju o monitoringu, te da dostavi Ministarstvu prostornog uređenja, prometa i komunikacija i zaštite okoline i Kantonalnoj upravi za inspeksijske poslove izvještaje o svim izvršenim mjerenjima, godišnji izvještaj o vrstama, količini i načinu zbrinjavanja otpada i ostalo propisano okolinskom dozvolom.

8. Rok važenja okolinske dozvole

Okolinska dozvola važi 5 (pet) godina od dana prijema rješenja.

U periodu važenja ove dozvole investitor **„NEIMAX” d.o.o. Visoko** za poslovno–proizvodni kompleks za proizvodnju valovitog kartona i kartonske ambalaže, koji izgrađen na lokaciji Čekrčići, grad Visoko dužan provoditi sve mjere i aktivnosti propisane ovom dozvolom i važećim zakonskim propisima.

Ukoliko operater pogona i postrojenja tokom trajanja važenja izdate okolinske dozvole planira promjenu prirode ili funkcionisanja postrojenja ili proširenje postrojenja koje može uticati na okoliš, dužan je da o tome, u pisanoj formi, obavijesti ovo Ministarstvo u skladu s članom 95. Zakona o zaštiti okoliša Federacije Bosne i Hercegovine („Službene novine Federacije BiH”, broj: 15/21).

Investitor **„NEIMAX” d.o.o. Visoko** je dužan Ministarstvu za prostorno uređenje promet i komunikacije i zaštitu okoliša podnijeti zahtjev za obnovu okolinske dozvole 90 dana prije isteka važenja ove okolinske dozvole u skladu sa članom 93. i 86. Zakona o zaštiti okoliša („Službene novine Federacije BiH”, broj: 15/21).

O B R A Z L O Ž E N J E

Društvo za unutrašnju i vanjsku trgovinu, proizvodnju, transport i usluge **„NEIMAX” d.o.o. Visoko** iz Visokog dostavio je Ministarstvu prostornog uređenja, prometa i komunikacija i zaštite okoline zahtjev za obnovu okolinske dozvole za proizvodno-poslovno-skladišni objekat za proizvodnju valovitog kartona i kartonske ambalaže koja će se graditi na parcelama označenim kao k.č. broj: 30/1, 31/1, 32/1 i 34/1 K.O. Čekrčići, grad Visoko.

Zahtjev za obnovu okolinske dozvole za poslovno–proizvodni kompleks za proizvodnju valovitog kartona i kartonske ambalaže investitora **„NEIMAX” d.o.o. Visoko** podnesen je u skladu sa odredbama člana 86. Zakona o zaštiti okoliša („Službene novine Federacije BiH” broj 15/21) i člana 6. Uredbe kojom se utvrđuju pogoni i postrojenja koja moraju imati okolinsku dozvolu („Službene novine Federacije BiH” broj: 51/21 i 74/22) urađen od strane Društva za inženjering, usluge i promet **„ESTA” d.o.o. Busovača**.

Uz zahtjev je dostavljena sljedeća dokumentacija:

- Aktuelni izvod iz sudskog registra, broj: 043-0-RegZ-22-000794 od 21.03.2022. godine izdatog

od strane Općinskog suda u Zenici.

- Kopija Rješenja o okolinskoj dozvoli broj: 12-23-00962/16 od 22.02.2016. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Rješenja o urbanističkoj saglasnosti, broj: 12-23-09269/15 od 15.01.2016. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Rješenja o odobrenju za građenje broj: 12-23-00621/16 izdatog dana 03.03.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Rješenja o upotrebi građevine broj: 12-23-02848/16 izdatog dana 12.10.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Zemljišnoknjižnog izvodka broj: 041-0-NAR-22-010 118 izdatog dana 30.05.2022. godine od strane Općinskog suda u Visokom
- Kopija Katastarskog plana broj: 04-26-1398/2022-2 izdatog dana 30.05.2022. godine od strane Službe za urbanizam, imovinsko-pravne, geodetske poslove i katastar nekretnina Grad Visoko.
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-27415/1 izdatog dana 25.12.2015. godine od strane Federalnog zavoda za statistiku
- Kopija Uvjerenja o poreznoj registraciji izdatog dana 25.12.2015. godine od strane Kantonalnog poreznog ureda Zenica
- Kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-2175-2/16 izdatog dana 31.03.2016. godine od strane Uprave za indirektno-neizravno oporezivanje
- Kopija Rješenja o vodnoj dozvoli broj: UP-I/21-3-40-442-4/21 od 26.10.2021. godine izdatog od strane „Agencije za vodno područje rijeke Save“, Sarajevo.
- Kopija Uvjerenja broj: 041-0-SUUV-21-000360 od 28.10.2021. godine kojim se potvrđuje da „NEIMAX“ d.o.o. Visoko prema podacima u Registru novčanih kazni nema duga u registru novčanih kazni izdato od strane Općinski sud Visoko.
- Kopija Izvještaj o mjeranju emisije zagađujućih materija u zrak za „NEIMAX“ d.o.o. Visoko broj: 01-2-74-IV/20 od 29.04.2020. godine izdatog od strane „Zagrebinspekt“ d.o.o. Mostar.
- Kopija Izvještaj o mjeranju nivoa buke na lokalitetu objekta „NEIMAX“ d.o.o. Visoko broj: 01-2-103-XI/21 studeni 2021. godine Zagrebinspekt“ d.o.o. Mostar.
- Kopija Izvještaja o monitoringu kvaliteta i kvantiteta otpadnih voda objekta „NEIMAX“ d.o.o. Visoko broj: 01-2-2-103-XI/21 od 03.11.2021. godine izdatog od strane Zagrebinspekt“ d.o.o. Mostar.
- Zaključak o iznosu troškova objavljivanja javnog obavještenja u dnevnim novinama broj: 12-19-10990-3/22 izdatog dana 03.03.2023. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija ponude broj: 149-2023 od 02.03.2023. godine od strane dnevnih novina „DNEVNI AVAZ“.
- Popratni akt u postupku Javnog uvida broj: 12-19-10990-1/22 od 13.03.2023. godine i Obavještenje o Javnom uvidu na web stranici Vlade Zeničko – dobojskog kantona izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Zahtjev za objavljivanje obavještenja u dnevnim novinama „DNEVNI AVAZ“ broj: 12-19-10990-4/22 od 13.03.2023. godine i Obavještenje o Javnom uvidu izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Popratni akt broj: 12-19-10990-2/22 od 13.03.2023. godine kojim se Grad Visoko obavještava o Javnom uvidu, izdat od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Potvrda narudžbe broj: 1687-2023 od 14.03.2023. godine od strane dnevnih novina „DNEVNI AVAZ“.
- Kopija Ugovora o izvođenju radova broj: 2135/21-DS zaključen dana 05.09.2021. godine između

- „NEIMAX“ d.o.o. Visoko i „DELTA PETROL“ Kakanj d.o.o.
- Kopija Računa broj 22-66330/1 izdatog dana 30.06.2022. godine od strane JKP Visoko d.o.o. Visoko
 - Kopija Otpremnice broj 010/00021 izdatog dana 13.07.2022. godine od strane „NEIMAX“ d.o.o. Visoko prema Natron-Hayat d.o.o.
 - Plan upravljanja otpadom – Tvornica valovitog kartona i kartonske ambalaže, investitora „NEIMAX“ d.o.o. Visoko, broj: EB-ZO—OTP-725-10/22 od 29.09. 2022. godine urađenog od strane Društva za inženjering, usluge i promet „ESTA“ d.o.o. Busovača.
 - Zahtjev za izdavanje/obnovu okolinske dozvole za Tvornicu valovitog kartona i kartonske ambalaže, investitora „NEIMAX“ d.o.o. Visoko, broj: EB-ZO-725-8/22 od 28.09. 2022. godine urađenog od strane Društva za inženjering, usluge i promet „ESTA“ d.o.o. Busovača.

Javni uvid u Zahtjev za izdavanje okolinske dozvole investitora **„NEIMAX“ d.o.o. Visoko** za poslovno-proizvodni kompleks za proizvodnju valovitog kartona i kartonske ambalaže, Čekrčiči grad Visoko, je u skladu sa članom 86. i 93. Zakona o zaštiti okoliša („Službene novine Federacije BiH”, broj 15/21) proveden i trajao je 30 dana počevši sa danom 15.03.2023. godine. Zahtjev za izdavanje okolinske dozvole bio je objavljen na službenoj web stranici Zeničko – dobojskog kantona.

Aktom broj: 12-19-10990-2/22 od 13.03.2023. godine Ministarstvo za prostorno uređenje, promet i komunikacije i zaštitu okoline Zeničko–dobojskog kantona je obavijestilo jedinicu lokalne samouprave / Općinu Maglaj o podnesenom zahtjevu za obnovu okolinske dozvole investitora **„NEIMAX“ d.o.o. Visoko** koja je bila u obavezi osigurati učešće javnosti, mjesne zajednice koje gravitiraju predmetnom objektu i NVO koje se bave pitanjima zaštite okoliša u predmetnom postupku.

Ministarstvo za prostorno uređenje, promet i komunikacije i zaštitu okoline u predviđenom roku za javni uvid nije zaprimilo primjedbe, informacije, analize ni mišljenja na objavljenu predmetnu dokumentaciju.

Proizvodno-poslovni-skladišni objekat za proizvodnju valovitog kartona i kartonske ambalaže izgrađen je na lokaciji naselja Čekrčiči, na parcelama označenim kao k.č. broj: 30/1, 31/1, 32/1 i 34/1 K.O. Čekrčiči, općina Visoko. Isti pretežno okružuju zelene površine. Predmetni kompleks je izgrađen na ravnom terenu. U neposrednoj blizini lokacije nema stambenih objekata. Sa sjeverne strane predmetnih parcela nalazi se lokalna putna komunikacija Lješevno-Visoko, a sa južne strane prolazi dionica autoputa Sarajevo-Zenica. Najbliži stambeni objekat od predmetnog kompleksa lociran je sa druge strane autoputa i udaljen je cca 200 m. Lokacija nije u zoni sanitarnih zaštitnih izvorišta vode za piće. Rijeka Bosna protiče u blizini predmetnog proizvodnog objekta, na udaljenosti od oko 265 m. Predmetna lokacija se ne nalazi na vodnom dobru niti u prostoru zaštitnih zona površinskih i podzemnih voda, kao ni u blizini drugih zaštićenih ili osjetljivih područja.

Proizvodni objekat ima sljedeće sadržaje: prostorija za smještaj linije za proizvodnju kartona i kartonske ambalaže, kontrolnu sobu za praćenje procesa proizvodnje, skladište repromaterijala, kotlovnice, trafostanicu, upravni dio i sanitarni čvor. Uz objekat su izgrađene tri nadstrešnice za smještaj uglja i otpadnog papira i kartona. Vanjske saobraćajnice i manipulativne površine su uredene i asfaltirane. Napajanje električnom energijom obezbijeđeno je priključkom na niskonaponsku elektrodistributivnu mrežu. Kao sirovina za proizvodnju kartona koristi se papir i ljepilo. Ljepilo se priprema kuhanjem vode i škroba i skladišti u bazen a zatim zatvorenim sistemom cijevi transportuje u proces proizvodnje.

Kao energent u procesu proizvodnje koristi se para iz vlastite kotlovnice. Za proizvodnju tehnološke pare iz kotla koristi se mrki ugalj. Šljaka iz kotla se odlaže na privremenu natkrivenu deponiju, a zatim odvozi na regionalnu deponiju u Zenici.

Na predmetnoj lokaciji nije izgrađen sistem javne kanalizacije. Sanitarno-fekalne vode se, zajedno sa tehnološkim otpadnim vodama, prečišćavaju u biološkom prečištaču vode i tako prečišćene iz biološkog prečištača odvoze u recipijent-upojni bunar, koji se sastoji od sistema drenažnih cijevi sa sabirnim oknom

iz kojeg se voda crpi i vraća u proces proizvodnje, te koristi kao tehnološka voda za potrebe hidrantske mreže.

Kvalitet ispuštanih otpadnih voda mora biti u skladu sa graničnim vrijednostima navedenim u dispozitivu ovog rješenja i drugim zakonskim propisima.

Poslovni kompleks odgovara funkcionalno-tehnološkim zahtjevima proizvodnje, valovitog kartona i kartonske ambalaže sa definisanim tehnološkim tokovima u poslovnom prostoru.

Prema dostavljenim Izvještajima o ispitivanju mjerenja nivoa buke, kvalitativno-kvantitativnih karakteristika otpadne vode i emisije zagađujućih materija u zrak sa predmetnog kompleksa za proizvodnju valovitog kartona i kartonske ambalaže koji je nalazi na lokalitetu Čekrčići, na zemljištu označenom kao k.č. broj: 30/1, 31/1, 32/1 i 34/1 K.O. Čekrčići, grad Visoko urađenim od strane „Zagrebinspekt” d.o.o. Mostar, izmjereni nivo buke, emisije zagađujućih materija u vode ne prelaze propisane granične vrijednosti, dok emisija onečišćujućih tvari u zrak (SO₂) prelazi propisane granične vrijednosti.

U periodu važenja ove dozvole obavezno provoditi sve mjere i aktivnosti propisane ovom dozvolom i važećim zakonskim propisima u cilju smanjenja zagađenja zraka. Emisije zagađujućih materija u zrak iz predmetnog postrojenja kotlovnice svesti u dozvoljene granice primjenom odgovarajućih mjera i aktivnosti koje su propisane ovom dozvolom i važećim zakonskim propisima. Redovno vršiti mjerenje emisija zagađujućih materija u zrak iz postrojenja kotlovnice prema načinu i rokovima utvrđenim Pravilnikom o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka („Službene novine Federacije BiH“, br. 1/12), prema Pravilniku o graničnim vrijednostima emisija u zrak iz postrojenja za sagorijevanje („Službene novine Federacije BiH“, br. 3/13) i Pravilniku o monitoringu emisija zagađujućih materija u zrak („Službene novine Federacije BiH“, br. 09/14).

Analizirajući kompletnu tehničko tehnološku i drugu dostavljenu dokumentaciju kao i lokaciju objekta Ministarstvo za prostorno uređenje, promet i komunikacije i zaštitu okoline je odlučilo kao u dispozitivu ovog rješenja.

Uputa o pravnom lijeku:

Protiv ovog rješenja može se izjaviti žalba Federalnom ministarstvu okoliša i turizma u roku od 15 dana od dana prijema ovog Rješenja. Žalba se podnosi putem Ministarstva za prostorno uređenje, promet i komunikacije i zaštitu okoline Zeničko-dobojskog kantona. Taksa na žalbu iznosi 15,00 KM administrativne takse po tarifnom broju 3. Tarife federalnih administrativnih taksi.

Dostavljeno:

- 1 x naslovu
- 1 x Grad Visoko
- 1 x Kantonalna uprava za inspeksijske poslove
-inspekcija za zaštitu okoline-
- 1 x a/a

Obradivač akta: Armin Bašić

MINISTAR

Danijel Pašić